

Communicaziun a las medias dals 29 da fanadur 2021
(Communicaziun ad hoc tenor l'art. 53 dal reglament da quotaziun)

Rendaquint semestral 2021: il concern crescha grazia a fatschenta d'investiziuns excellenta

La Banca Chantunala Grischun (BCG) racolta ils fritgs da l'amplificaziun strategica da la fatschenta d'investiziuns cun il sustegn da fermes martgads d'aczijs. A medem temp ha la banca registrà in augment legraivel dal volumen d'emprests. Il gudogn dal concern è muntà en cumparegliaziun cun la perioda da l'onn precedent per +17.6% sin 112.1 miu. francs. Cun il schlantsch da l'emprim semester sa megliereschan era las perspectivas per l'entir onn da fatschenta. Las innovaziuns sin il sector da provediment mussan in svilup fitg positiv.

Las cifra distinctivas:

- gudogn dal concern: CHF 112.1 miu. / +17.6%
- resultat da fatschenta: CHF 127.1 miu. / +31.3%
- afflussiun da novs daners (Net New Money): CHF +1'297.5 miu. / +3.4%
- creschientscha da las ipotecas: CHF +469.3 miu. / +2.6%
- relaziun da custs e d'entradas II: 45.0%
- rentabilitad (RoE): 8.4%

«Il rendaquint semestral cun ina creschientscha en la fatschenta da cumissiums da legraivels +41.4% è per nus la conferma che nus avain tchernì la dretga strategia cun amplifitgar la fatschenta d'investiziuns e cun ans participar a la fatschenta da l'administraziun da facultad», constatescha Peter Fanconi, il president da la banca. CEO Daniel Fust exprima ses grond plaschair da la forza da resistenza da la banca: «Nus avain demonstrà en in temp plain sfidas cun COVID-19 ina resilienza remartgabla. L'entira squadra ha tegnì pitg a las midadas a moda sportiva. Grazia a la structura sauna da la banca essan nus main sensibels per crisis.»

Resultat da fatschenta: +31.3% cumpareglia cun la perioda da l'onn precedent sin CHF 127.1 miu. Il resultat da fatschenta (CHF 127.1 miu. / +31.3%) ha profità da retgavs considerablament pli auts da la fatschenta d'investiziuns e da retgavs da las investiziuns da vaglias. Malgrà in augment moderà dals custs han ils retgavs pli auts procurà ch'il gudogn dal concern fetschia in sigl marcant sin CHF 112.1 miu. (+17.6%). Il gudogn per scrit da participaziun è s'augmentà per +20.1% en cumparegliaziun cun la perioda da l'onn precedent e munta a CHF 44.60.

Retgav da fatschenta: in augment en tut las componentas da retgav centralas

Tut las componentas da retgav centralas han contribuì ad in augment dal retgav da fatschenta sin CHF 233.4 miu. L'augment dal retgav da CHF +33.2 miu. (+16.6%) è d'attribuir principalmain a la prestaziun da la banca sin il sector da las acquisiziuns ed a l'ambient positiv da la bursa. La BCG ha pudì profitar da quai, damai ch'è ella è posiziunada bain cun l'atgna fatschenta d'investiziuns e cun las societads affiliadas Albin Kistler AG e la banca privata Bellerive AG. Il management reussì dal cunfin liber da la Banca Naziunala Svizra ha dà en summa in retgav supplementar positiv (+2.2%) en la fatschenta da tschains. Las ristgas da credit cumparegliadas cun las posiziuns senza sbursaments regulars da tschains u d'amortisaziuns èn sa reducidas vinavant malgrà la creschientscha dal volumen.

La quota da la fatschenta da cumissiuns e da servetschs munta a 37.1%

Il resultat da la fatschenta da cumissiuns e da servetschs è creschì marcantamain per +41.4% sin CHF 84.9 miu. (CHF +24.9 miu.). La quota da la fatschenta da cumissiuns dal retgav total è s'augmentada grazia al retgav supplementar menziunà sin 37.1% (perioda da l'onn precedent: 30.7%). Dapli investiziuns da vart da las clientas e dals clients, il schlargiament da la fatschenta da mandats e da fonds en la chasa principala sco er ils onuraris da success tar l'Albin Kistler AG èn in'explicaziun per l'augment. Il volumen dals fonds BCG è creschì dals 31 da december 2020 fin ils 30 da zercladur 2021 per +27.6% sin CHF 2.8 milliardas.

Relaziun da custs e d'entradas I: 42.5%

Las expensas da fatschenta (CHF 97.3 Mio.) incl. l'indemnisaziun da la garanzia statala è s'augmentada per CHF 3.0 miu. (+ 3.2%) en cumparegliaziun cun la perioda da l'onn precedent. Il svilup dals custs mussa las investiziuns en la strategia progressiva ed ils custs da persunal. La productivitat è daventada per bler pli gronda sin basa dal retgav supplementar extraordinari. La relaziun da custs e d'entradas II è sa diminuida sin 45.0% (-6.1 puncts procentuals), la relaziun da custs e d'entradas I è sa reducida perfin sin 42.5%.

Volumen net acquirì ordaifer la bilantscha: +1.1 milliardas francs

Cun il rendaint semestral 2021 vegn il concern da la BCG a preschentar in ferm augment dal volumen da fatschenta sin CHF 62.6 milliardas (+6.4%). Per la fatschenta d'investiziuns han ins pudì registrar ina gronda afflussiun da novs daners en il volumen ordaifer la bilantscha da CHF +1.1 mia. (+5.1%). La banca ha augmentà il volumen d'emprests a clientas e clients per CHF 460.6 miu. (+2.2%). Ils emprests ipotecars èn creschids per +2.6% sin CHF 18.4 mia. La facultad da clientella preschentada è s'augmentada cun il sustegn d'ina performanza positiva al martgà per +8.6% sin CHF 41.4 mia.

Ina structura resistent a crisas

La BCG po sa legrar d'ina structura che dat a la banca ina resilienza per crisas da tut gener. Paraculps surproporzional en furma d'agen chapital (CHF 2'741 miu. / CET-1: 19.9%) e rectificaziuns da la valor / remessas (CHF 242.8 miu.) garanteschon l'existenza a lunga vista. La gronda productivitat (relaziun da custs e d'entradas I: 42.5%), ils retgavs diversifitgads e la diversificaziun geografica dals credits ipotecars reduceschan a medem temp la ristga d'in regress pli grond dals retgavs.

In sguard en il 2021: gudogn dal concern da 200 milliuns francs

Sin basa da las cifras semestralas engrondescha la BCG la perspectiva per il 2021. La prognosa adattada preschenta in ambient agreabel als martgads da chapital e quai che pertutga las ristgas da credit. Il gudogn dal concern che vegn spetgà actualmain importa per l'emprima giada CHF 200 milliuns ed il gudogn per scrit da participaziun munta a CHF 78.00 ed è pia cleramain pli aut che l'onn 2020.

Cun Diventa AG e GKB Gioia 3a ina ferma posiziun sco partenaria cumpetenta al martgà da provediment

La Diventa AG, ina societad administrativa independenta per soluziuns da provediment, fundada il settember 2020, ha cumenzà cun success il manaschi operativ il 1. da schaner. La cointerpresa tranter la BCG e l'ÖKK è vegnida realisada quai che riguarda il chapital ed il cussegl administrativ è vegnì cumpletà cun Stefan Schena, il CEO da l'ÖKK. Las emprimas experientschas mussan ch'ina plattafurma da provediment correspunda ad in basegn dal martgà. Sut il label "Gioia 3a – provediment cun plaschair" lantscha la BCG en pli in'app da provediment, ina soluziun digitala per la 3. pitga che vul esser simpla, svelta e survesaivla. Las investziuns da vaglias s'orienteschan ultra da quai a l'idea da la persistenza da la BCG. Cun las duas iniziativa metta la BCG in cler signal per ina posiziun distincta sco partenaria cumpetenta per soluziuns d'investziuns professiunalas e quai tant per cassas da pensiun, fundaziuns e persunas privatas.

Contact:

Thomas Müller, thom.mueller@gkb.ch, telefon +41 81 256 83 11

Daniel Daester, daniel.daester@gkb.ch, telefon +41 81 256 88 01

Banca Chantunala Grischuna, Medias & Investor Relations, chascha postala, 7001 Cuir
medien@gkb.ch / gkb.ch/medien

Banca Chantunala Grischuna.

La Banca Chantunala Grischuna porscha tut quai ch'i' dovra per ina banca universal moderna – per persunas privatas, l'economia ed il maun public. L'interpresa cun sedia principala a Cuir è represchentada en 47 lieux en il Grischun. Cun var 1'000 collavuraturas e collavuratur è la BCG ina da las pli grondas patronas en il chantun. Sia attaschadadad cun il Grischun s'exprima en sustegn multifars. Sper sias activitads economicas s'engascha ella cun ses sponstradis, ses fond da contribuziuns e sias puschidas per lavur voluntara. La BCG dispona da participaziuns da maiortad a la Banca privata Bellerive AG a Turitg ed a l'Albin Kistler AG a Turitg. Il scrit da participaziun BCG è quòta a la bursa dapi il 1985.

Termins:

Quint annual 2021:	favrer 2022
Radunanza dals participants:	23 d'avrigl 2022